

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaata allanngortinneqarnera pillugu Inatsisartut inatsisaat nr. 27 ulloq 17. november 2017-imeersoq (Annikitsunik taarsigassarsititsisarnermik aaqqissuussineq)

§ 1

Nunami inuussutissarsiutinut tunngatillugu inuussutissarsiornermik siuarsaaneq pillugu Inatsisartut inatsisaanni nr. 20 ulloq 3. december 2012-meersumi, Inatsisartut inatsisaanni nr. 4, 3. juni 2016-imeersumi allanngortinneqartumi, imaattunik allannguuteqartitsisoqassaaq:

1. § 1 a-p kingorna ilanngunneqassaaq:

” **§ 1 b.** Aningaasaliissutinik immikkoortitsisoqassaaq annikitsunik taarsigassarsititsinermut aningaasaliissutaasartussanik, aallarnisaasuaqqat aningaasalersornissaannik siunertaqartumik.

Imm. 2. Kommunit aningaasalersueqataallutik annikitsunik taarsigassarsititsisarnermut aaqqissuussinermi peqataanissamut periarfissaqarput. Aningaasalersueqataanissamut atugassarititaasut Naalackersuisut aamma kommunit ataasiakkaat akornanni isumaqatigiissummi aalajangersarneqassapput.

Imm. 3. Imm. 1-imi annikitsunik taarsigassarsititsisarnermut aaqqissuussineq, atuutilernerata kingorna ukiut 4-t qaangiunneranni atorunnaassaaq.”

2. § 5 a-p kingorna ilanngunneqassaaq:

” **§ 5 b.** Qinnuteqartoqareerneratigut taarsigassarsititsisoqarsinnaavoq § 5, imm. 1-imi siunertanut nalunaarsorneqartunut imaluunniit aningaasaliissutitut sulisitassatut.

Imm. 2. Naalackersuisullu aalajangersagalorsimappata inuussutissarsiutini ingerlatanut imaluunniit suliffeqarfinnut aalajangersimasunut tapersiissuteqartarniarlutik § 6 naapertorlugu, aamma taarsigassarsititsisoqarsinnaavoq inuussutissarsiutini ingerlatanut pineqartunut suliffeqarfinnulluunniit aalajangersimasunut.”

3. Kapitali 4-p qulequtaa imatut oqaasertalerneqassaaq:

”Tapiissutit annertussusiat aamma sivilissusiat il.il.”

4. § 9 -p kingorna ilanngunneqassaaq:

” **§ 9 a.** Taarsigassarsititsinissamut neriorsuummi § 5 b naapertorlugu nalunaarneqassaaq taarsigassarsiarititassat annertussusiat, 20.000 kr.-nit 100.000 kr.-nut annertussuseqarsinnaasut, taamaattoq tak. imm. 7.

Imm. 2. Taarsigassarsititsinissamik neriorsuinermit atugassarititaavoq aningaasartuutissatut missingersusiat suliniummut toqqaannartumik attaveqarneri imaluunniit aningaasaliissutitut sulisitassatut, taarsigassarsiarititassat tunngasumik.

Imm. 3. Aningaasat taarsigassarsiarititassat 1-imi imaluunniit arlalinnut agguarlugit

tunniunneqarsinnaapput.

Imm. 4. Aningaasat taarsigassarsiaritinneqartussat annerpaamik aningaasartuutissat missingersuusiaasut 75 pct.-erisinnaavaat suliniummik allaaserinnineq naapertorlugu suliaasut, qinnuteqarnermilu tunngaviusut. Taamaattoq aningaasat taarsigassarsiaritinneqartussat annerpaamik 25 pct.-iusinnaapput, taarsigassarsitinneqarnissamut qinnuteqaammi inatsisip tapiissuteqartarnermut periarfissatut aaqqissuussai allat ilanngullugit atorneqarpata, takukkit § 5, imm. 1 aamma § 6, imaluunniit aningaasartuutissat missingersuusiaasut 50 pct.-ii, aningaasaliissutit sulisitassat pineqarpata.

Imm. 5. Taarsigassarsititsineq pisassaaq niuernerme atugassarititaasut tunngavigalugit, tamatumani aamma erniat, akilersuineq, akitsuutit aamma taarsigassarsititsinermit aningaasartuutit eqqarsaatigalugit atugassarititaasuni, taarsigassarsisup aamma taarsigassarsititsinerme allaffissornikkut sullissisuusup akornanni isumaqatigiissutaasumi, tak. taamaattoq imm. 4.

Imm. 6. Taarsigassarsiaritinneqartunut qularnaveeqqusiisoqartassanngilaq, taarsigassarsitinneqartussallu nalilerneqarnerani taarsigassarsititsisarnerup siunertaa isiginiarneqartassaaq, tak. § 1 b.

Imm. 7. Naalackersuisut taarsigassarsititsisarnermik aaqqissuussineq pillugu ersarinnerusunik aalajangersagaliorsinnaapput, tamatumani aamma aningaasat pineqartut killissaannik.”

5. § 10, *imm. 1*, imatut oqaasertalerneqassaaq:

” § 10. Naalackersuisut allaffissornikkut tapiissuteqartarnermi suliassat §§-ini 5, 5 a aamma 5 b suliassat pillugit kommunalbestyrelsimut imaluunniit allaffissornikkut ingerlatsivimmut isumaqatigiissuteqarsinnaapput.”

6. § 12, *imm. 4, nr. 1*, imatut oqaasertalerneqassaaq:

” 1) naatsorsuutininik imaluunniit uppersaatinik allanik § 11, imm. 1 malillugu Naalackersuisut piumasarisimasaannik, tassani piffissamut killiliussap allassimasup iluani nassiussinngippat, imaluunniit”

§ 2

Inatsisartut inatsisaat 1. januar 2018 atuutilissaaq.

Namminersorlutik Oqartussat, ulloq 17. november 2017

Kim Kielsen